

شنهو آخر هالمشاعر ؟!

شنهو آخر هالمشاعر ؟!
فد النهاية..
كل واحد فينا بيروح بطريق
ويبدا ليل وماله آخر
بينكسر فيك النهار
ويندبح في قلبي.. شاعر
فد النهاية..
بفتح عيوني في يوم..
وما القا بغيوني.. عيونك
لا حنينك..
لادقا ايديك.. ولا..
وجهك..
ولا حتى بيبقي فيني.. شي منك
إلا ذكرى..
تشعل الثلج وتكابح
مافيه شي بيبقى فينا من
هوانا..
لازلنا
لاعتبنا
لاسهونا
لا فرحنا..
لا.. ولا وزد الجروح
كله ياعمري بيروح
كنه ماكان عمره حاضر!

شنهو آخر هالمشاعر ؟!
شنهو آخر فرحتي..
شنهو آخر دمعتك..
شنهو آخر شوقي لك..
شنهو آخر لهفتك..
شنهو آخر القصيد..
اللي في صدر الدفاتر ؟!
أنا أدري..
إنك أجمل من فتني
وانك أغلى.. حب سكتي
إنتي خليتي غصوني الصفرا..
تشرب..
من حلى ماك.. وتغني
وأنا أدري..
إنك انتي.. شي مني..
شي يسوى الروح.. طاهر
بس قولي..
شنهو آخر هالمشاعر ؟!
لا أمل عايش معانا..
لا رجاوي..
لاصبر .. والباس صابر!
أنا وانتي نجمتين
مهما تجمعا سما..
وليل ساهر

لكن الصبح بيحي..
وبيفرقنا أكيد
ويمحي اللي كان ظاهر!
أنا وانتي وردتين..
لو تسامينا.. عطر..
لكن المجد للخناجر !
أنا وانتي موجنين
ضد تيار القبيله
ضد ابوجهل وقريش
ضد دمعته فالحاجر
أنا وانتي.. شرع سفينه
والرياح.. ننهي وتامر
أنا وانتي..
نؤمن إن الحب صلاه
في زمن بالحب.. كافر
أنا وانتي..
ندري لازم نفترق
كان مهو اليوم.. باكر
حنا ندري..
بتتجرح فينا الخواطر
وفد النهاية..
بينكسر فيك النهار..
ويندبح في قلبي.. شاعر

مسفر الدوسري

إعادة نشر

عطني وعد

خذني معاك وارحل
إرحل بعيد
لحظة هواك أجمل
واحلى قصيد
آه يا وعد ..
... صحبة انا وياك روح في جسد
كل ما اقرب تبتعد
وانت ولا همك ابد
عطني وعد واخلف حبيبي لا تجي
لو بالوهم احلف لأضمك من تجي
خذني معاك وارحل بعيد ...
واعدتنى وأنا محطات العمر تنتظر مشاويرك
ما همها طول انتظار
انت البعيد انت .
. وانت القريب انت
كيف التقيك وانت ليك نهار .

. شمسك ظلام وأشواقى نار
عطني وعد واخلف حبيبي لا تجي
لو بالوهم احلف لأضمك من تجي
خذني معاك وارحل بعيد
روحي انا طافت مسافات الصبر
تعبت تنادي لك يالله تعال ..
يالله تعال
وعد السحاب مطره .
وعد الربيع خضره وعد
الحبيب عشره
ليلك نهار .. شمسك ظلام وأشواقى نار
عطني وعد واخلف حبيبي لا تجي
لو بالوهم احلف لأضمك من تجي
خذني معاك وارحل بعيد

عليه الشراقوه

صورة وتحليق

لازال الرحالة كذا مستمرة
تتركه يافهد ابراطيف
تروفل روف الزمن مستقرة.
الامس نفس اليوم لاتقولي كيف

محمد الخشيبان